

ODLUKA
O OBLIKU I SADRŽAJU IZVJEŠTAJA KOJE LIZING DRUŠTVA
DOSTAVLJAJU AGENCIJI ZA BANKARSTVO FEDERACIJE
BOSNE I HERCEGOVINE I ROKOVIMA IZVJEŠTAVANJA

Član 1.

Ovom odlukom propisuje se oblik i sadržaj izvještaja o poslovanju koje su lizing društva dužna dostavljati Agenciji za bankarstvo Federacije Bosne i Hercegovine (u daljnjem tekstu: FBA) i rokovi izvještavanja.

Član 2.

Izvještaji iz člana 1. ove odluke su mjesečni i kvartalni.

Član 3.

(1) Mjesečni izvještaji lizing društva su:

1. Izvještaj o ponderisanim nominalnim efektivnim kamatnim stopama (obrazac EKS);
2. Mjesečni izvještaj o zaključenim (aktiviranim) ugovorima operativnog lizinga (Obrazac: LD-OL);
3. Izvještaj o gotovinskim transakcijama od 30.000,00 KM ili više, povezanim i sumnjivim transakcijama (Obrazac SPN i FTA - Tabela A);
4. Izvještaj o sumnjivim klijentima (Obrazac SPN i FTA - Tabela B).

(2) Rok za dostavu mjesečnih izvještaja iz stava (1) tač. 1. i 2. ovog člana je 15 dana nakon isteka izvještajnog mjeseca, a za dostavu mjesečnih izvještaja iz stava (1) tač. 3. i 4. ovog člana je 10 dana nakon isteka izvještajnog mjeseca.

Član 4.

(1) Kvartalni izvještaji lizing društva (u daljnjem tekstu obrazaca: LD) su:

1. Bilans stanja LD (obrazac: BS-LD);
2. Bilans uspjeha LD (obrazac: BU-LD);
3. Lista vlasnika preko 5% učešća u LD (Obrazac: K-LD);
4. Struktura potraživanja po osnovu finansijskog lizinga (obrazac: SPF-LD);
5. Struktura potraživanja po osnovu operativnog lizinga (obrazac: SPO-LD);
6. Izvještaj o visini i načinu formiranja rezervi za gubitke (Rezerve-FBA);
7. Pregled 10 najvećih korisnika lizinga (obrazac: ND-LD);
8. Pregled 10 najvećih izvora sredstava LD (obrazac: NI-LD);
9. Izvještaj o broju i kvalifikacionoj strukturi zaposlenih LD (obrazac: LD-Zaposleni);
10. Struktura potraživanja po osnovu zajma (obrazac SPZ-LD) i
11. Izvještaj o procijenjenoj tržišnoj vrijednosti izuzetih predmeta lizinga (Obrazac IPLLD).

(2) Rok za dostavu izvještaja iz stava (1) ovog člana je 30 dana nakon isteka izvještajnog kvartala, a rok za zadnji kvartal prethodne godine, pripremljenih na osnovu preliminarnih podataka, je 31. januar tekuće godine.

(3) Rok za dostavu izvještaja zadnjeg kvartala prethodne godine, pripremljenih na osnovu konačnih podataka, je 05. mart tekuće godine.

Član 5.

Podružnice lizing društva koje posluju u Federaciji BiH, čije je sjedište u Republici Srpskoj, dužne su na zahtjev FBA dostaviti izvještaje iz člana 3., stav (1) i člana 4., stav (1) ove odluke u rokovima koje odredi FBA.

Član 6.

Lizing društva su dužna da sve iznose koje prikazuju u obrascima izvještaja iz ove odluke izražavaju u 000 KM, osim ako u istim nije drukčije navedeno.

Član 7.

(1) Izvještaji ove odluke se dostavljaju putem odgovarajućih elektronskih medija i njihova forma mora biti prilagođena zahtjevima FBA i tehničkim zahtjevima takvih medija.

(2) Lizing društva su dužna (istovremeno) uz kvartalne izvještaje dostaviti i obrazac: LD-FBA potpisan od strane direktora lizing društva. Potpisom se ovjerava da su priloženi izvještaji usvojeni od strane Uprave, te da su izvještaji kompletni i tačni.

Član 8.

Obrasci iz čl. 3. i 4. ove odluke čine njen sastavni dio i nalaze se u njenom prilogu.

Član 9.

Ova odluka stupa na snagu osmog dana od dana objavljivanja u "Službenim novinama Federacije"